



Nastavak akcije "Transfer" na području Sarajeva

SIPA uhapsila četiri osobe zbog upada u račune stranih banaka

Pripadnici **Državne** **agencije za istrage i zaštitu (SIPA)** jučer su u nastavku operativne akcije „Transfer“ na području Sarajeva pretresli sedam lokacija i uhapsili četiri osobe. Riječ je o krivičnim djelima prevara, krivotvorenje isprave, neovlašteni pristup sistemu i mreži elektronske obrade podataka te pranje novca.

Kako je rečeno iz Tužilaštva BiH, osumnjičeni su krivotvorili naloge za plaćanje koje su dostavljali bankama u Austriji i Nje-



Ranije uhapšen Agić, koji je u pritvoru

mačkoj. Utvrđeno je da su ove osobe, koje su radi izvršenja krivičnih djela za tu namjenu otvorile račune

u Hrvatskoj i BiH, nakon uplata iz ovih zemalja podizale novac i zadržavale ga za sebe.

Prije pola godine **SIPA** je u ovoj akciji zbog prevare teške više od šest miliona KM, a kako je "Avaz" prvi objavio, uhapsila Begu Agića, koji se nalazi u pritvoru.

On je osumnjičen da je počinio visokosofisticirane oblike finansijskih prevara i ojadio građane Evropske unije. Prema informacijama našeg lista, Agić je hakerskim upadima na račune u stranim bankama napravio prevaru tešku skoro šest miliona maraka (tri miliona eura). **M. Aš.**